

BISARANGNI RIPENG

JAWAHARLAL NEHRU

By
H. B. Sangma, B. A., B. T.
D. I. P. R. O. Tura,
Garo Hills.

REFERENCE
Not to be lent out

AGANCHENGANI

Anching Achik bisarang Shri Jawaharlal Nehruni bimungko aro noksarangko nik-beahaoba aro u n i kamrangko knabeahaoba uni janggi tangani gimin poraie rona aro talbate skie rana chol ongpaja ine chanchianio anga ia chongipa kitapko Achik bisarangna golpo gita sena namnikaha. Noksarangko donchapna chanchien adita ruutataha.

Ia kitapko print kana skangan Shri. Jawaharlal Nehru siahaoba uni kam aro gunrang mamung saloba sijawa. Unigimin bisarang ia kitapko poraina namnikgen aro skie ragen ine kadonga.



Mrs. Heroine B. Sangma
Hawakhana, Tura.
28/6/71.

Library books will give you joy for long
if handled carefully with clean hands

ATCHU NEHRU

Ruutbea ongkuja, saksa Pante donga-
chim. Uan kusi ongrakgipa, jaksramgipa,
gisik senggipa kadonggipa aro mane cha-
gipaba ongachim.



Salsao ua
indake masia-
ha, gam gnang-
anichi pilakkon
mantokaha-
de ongja. Uni-
gimin asong-
tangni jakgitela-
nina dakgrikna
ua miksongaha.
Unomiting
India jakgitel
cngkujachim.

Ua ming-
gnina kasabea-
chim. Uaranga

Golap bibalrang aro Bisarang.

Bisarangna ua aganrongaha; "Nama chol-
rangko rana antangtangko taribo. Been aro
gisiko bilakgipa onгна dalrorobo. Dala kam-
ko kana gisiko tikkello".

Uni Atchiani sulko "Bisarangni Sal" ine
mingaha. Ia salo anching uko gisik rabea. Uni
janggi tangani gimin bangbate uie rabo.

CHANGSAO.

Ta'ma, na'a Indiani mapko nikahama? Allahabad minggipa songjinmani bimungko na'a gisik raenggenkon; Allahabadni ortoara Isolni dongram biap. Uan dalbegipa songjinmade ongja, Calcutta ba Bombay gita mingsinggipa songjinmaba ongja. Indiba-ian anching India asongni dalgipa mingsinggipa mande saksani dongram ongachim.

Ia dalgipa mandeni gimin naa pangnan knarongaha; ua mandeara sawa naa gisik raama? Daalo anga ua mandeni gimin nangna aganasienga jedakode ua mande nangna agital mande ongjawa; indiba n a n g n i kasagimin



aro uigiminsa ine uigen. Ua changsao nanggitan bisachim, indiba angni golpoko uni bisaoni abachenggija uni atchina skang banga bilsirangonisa abachenggen. Unigimin na'a aratgija knatimbone Ta'ma.

Changsao ruutbea bilsirang reangaha, haيدا nangni atchuni atchumangan nang gita bisa ongmitingo Kashmir minggipa asongni chubegipa Himalaya abrirango, Brahmin nok-

sa dongachim. Unigimin uara bano ongachim uko na'a gisik raatjaengode, Indiani mapko nitaibone. Salgrochi jakasichipako abrirang gnang. Uaranga pangnajol suurichi pindap-gipa Kashmirni abrirang. Ia abrirangni ja-parango pulrang aro biterangan gapaia. Biap-rang kasinbea aro nitobegipa ongachim.

Ianon da'sio aganbagipa Brahmin noksa dongachim. U a m a n g nitogipa pulrangchi duuloba ua biapo ruute dongchana manjaha. Nitogipa ansenggipa gam gnanggipa song-tangko wate, uamang abrini japaona ongon-bana nangaha. Salgroni apalbegipa akawerangko batsote Delhi songjinmaona rebaaha. Delhi songjinmara Indiani gitcham rajarangni skotong song onga. Iaba nitobegipa biap ongachim. Uanona daomangba reil gario ba motor gario ba aeroplaneo reangomangba anchingoni chelbegipa rama ongaienga Ta'ma. Skangrangode pangpang mongmarango, ut-rango aro gurerangosa gakate rena manaia; basakobade ja'achisa retektekna n a n g a n i gimin chelbatbee nikachim.

Unigimin uamang Delhiona sokbae unon dongkamna chanchiaha. Pagipa rajani kachario kam man'eaha. Nahar chibol ba donggeni rikamo uamang songdongechengaha. Ia Kashmiri nokdangni bimung chongmotde Kaulsachim, indiba N a h a r chibol ba donggeni rikamo dongeahani gimin uamang Nehru bimungko raskaaha.

Nehrumangba Delhio dongkamsrangnade manjaha. 1857 bilsio Indiani sipairangni antangtango sason kaenggipa Englishrangni kosako bobil dake chakatmitingo, banga songdonggiparangan Delhioni kattokaha. Nehrumangba unon Delhioni jitangna nangaha. Uamang Agraona katange unon adita bilsirangna dongeaha. Unonisa Allahabadona katangaha. Allahabad songjinmara tangsimgipa grikgipa Jumna chibima aro rontala ine changipa Ganges chibimani braramon ongachim. Ianosa Nehrumang songdongeaha Uano ruute songdong a'chae deritchu suritchurangko manaha. 1889 ni November jao Motilal Nehruna depante saksa atchiaha. Indiani dakbewal gita depante atchion kusi ongbeani ongachim. Bisa nitogipa bilakgipa aro ansenggipa onge dalrorobaaha aro pilakan una kasatokachim. Uan ia nokdangni gamchatgipa ripok ine chane uko JAWAHAR LAL mingaha.

Jawaharlalni bisani salrang.

Jawaharlal uni maa paana kasabeachim, indiba pagipanade kenbeachim; maina pagipa. Motilalde kao nangninggipa aro kating dakgipa basakobade kenbegni mande ongachim.

Salsao Jawaharlal bilsu bonga ongaengmitingo pagipako kao nangataha. Pagipa Motilalo fountain pen gegni dongachim. Ua

salrango fountain penrangko ramram man-
kujani gimin gamchatnikbeani ongachim. Da-
nang Jawahar fountain pen gesako manpana
sikbeaha. Uni gimin salsao pagipani tableo
pen gegni donako nike chanchiaha, "Babara
pen gegnikode jakkalnara nangjawa." Indak-
enba ua pen gesako antangna raaha. Pagipa
rebapile penko nikjae nokgimikoniko ambe-
aha. Jawaharde antang dosko kuchakna kene
ua penko donnusrangaha. Indiba ambeani
jamano penko nikaha. Motilal Jawaharko
rim'e dokaha. Dokako mane Jawaharde ma-
gipachi katnapaha, aro magipasa uko kasae
kadimeataha.

Pagipa gitan Jawaharba gisep gisepde
kaonangninggipa onga. Ua dalgipa mande
ongahaoba aro mande jinma tomarangoba
maikoba namnikjaode ba kranikjaode kao-
nange aganrongaha.

Jawahar dao pante sokbaaha. Chasong-
ska bisarang dongjani gimin ua sikdikdik
saksan onge duk ongrongachim. Uni mama-
tangmanga una bate bilsa batahani gimin ua-
mangni agangrikarangko sepango dongesa
knatimrongachim. Uamangni gopo kaarangko-
knarika India asongko asongtangni mande-
rangni jakchi onggija Englandni manderangni
jakchisa sason kaatenga ine masisoe gisiko
duk ongrongaha. India asong jakgitel ongpa-
ja ine uina bilongen duk manaha.

Ta'ma, naa jekai magipana kasa, Jawa-
harba magipana kasaachim. Indiba uni nam-

nikgipa rorimna sikkipa ripeng saksa dong-
achim. Uan saksa MUNSHIJI minggipa bu-
depa saksa ongachim. Munshijini kus mang
roba aro uko sengbee nikachim, Jawaharde
ruuta somoirangna uni japingo asonge 1857
bilsio sipairangni bobli dake chakatanio a-
songtangni jakgitelanina dakgrikgipa kadong-
gipa manderangni gimin Munshijini agana
golporangko knatimrongaha. Uni dambegipa
katong asongtangni manderangni kadongani-
na gaora deanin gapaiachim.

Munshiji Arabian Nightni golporangkoba
aganrongaha. Ia golporangko chanchie tuen
basakobade Jawahar jumang nikpilrongaha.
Salsao una pagipa Arabni gure mangsako
boksis onaha. Ua gureko RAKSH mingachim.
Gure nina nitoba aro Jawahar salanti uo
gakate rorongaha. Bakbakan uamang ripeng-
rang ongbaaha. Rakshko mane ua antangni
saksan ongako gualskaaha. Jawahar antang-
ni gure Rakshni janggilo gakate reangon,
Munshijini agangipa golporangko Rakshna
agane onrongachim. Arabia Rakshni atchiram
song onga, aro Raksh name gisik rajaoba ua
gisikode rasong chaenggen ine chanchiachim.
Indake basakobade uamang antangtangkon
montro aro jaduni asongo Arabiaosa dong-
enga ine chanchipilaha aro maiko dakna
nanga Jawahar Rakshna agane onrongachim.

Salsao ua budhi gri kamko kaaha. Ara-
bian Nightni golpoo segipa montro mangipa
bilna mangipa aro mamanti kamko dakna
changgipa gureni gimin Munshijini golpoko

ua gisik raaha. Ua Rakshna inaha' "Naade maikaisa ua gure gita apsan ongna manpa-ja?" Unon Raksh gisiko duk ongaha aro Jawaharni agangipa montro mangipa gure gitan antangba apsan ine Jawaharna mesok-na sikaha. Rangsang ua bilchrokaha aro tarakbatroroe balwa bala bala katna abacheng-aha. Gure antangni dakmesokanina gisik nangen Jawaharni ramao gaakrikakode uibajajok.

Indake Raksh noktangona sokpiljana kingking tarakbee dondikgija katangaha. Jawaharni maa paa Rakshko saksan niksoe namen jajrengbeaha. Jawaharko amna pilakan rechakatah. Gaakaoni chakate, Rakshni pilbaako nisengsoa amjae, Jawahar kasne noktangchina rebapilengachim. Unon antangko amna rebaenggiparangko ramao gronge, pilakan kusi ongtokbeaha. Raksh noktangona sokange kratchabee dongaiaha. Jawahar Rakshko kao nangjachim.

Jawaharni kusi ongbatgipa salranga maniani salrangang ongachim. Holi kalani (Rongchi sate roani) ko maniani salrango ua antangan sataniko rae, rongrangko manderango satdape rona namnikbeachim. Ua barirango manderango rikroroe rong satdapana kené chrike katarangko knana aro nikna kusi ongbeaha. Diwalini salrango hajalni hajal chonchongipa chakkirangko aro so'anirongko nike kusi onge aganna changpilgija ku'gragra dake dongpilaiachim.

Madrango bia kaani ongon ua kusi ong-beachim; maina bia kaanio kusi onge alani, waal watani aro troska ripengrangko grong-na manachim. Pilakna bate una dalbatgipa nisengsogipa salde uni atchiani salko maniana ongachim. Unsalode antangan mong-songbatgipa mande ine ua chanchiachim. Un sal, Nehru nokgimiknan dingtangmancha sal, maina Jawahar Motilalni depante dejakra arɔ saksakamkam depante ongachim.

ATCHIANI SALKO MANIANI.

Atchiani salko manina pringwalnin Jawaharni jrimako gom mi ba chaani bosturangchi toe, ua chaani bosturangko kangalrangna sualtokaha. Tochakani silo asonge samgipinchi gom mi ba maiba chaani bosturangko gatdapdapo kasne kasne tangdororobaon mairongpile ua kusi ongaha. Un jama-no magipa uko au miksuata gital bararangko ganataha. Indake ua boksirangko rachakna tariaha. Boksirangko lekkao romrome onon mai bostu ongenggen chanchipna ua jotton karongaha. Indiba bangbata changon uni chanchichipa gita onggija maiba gipin bosturangsa ongskaachim. Pilakan uni atchiani salko gualjani gimin una boksirang bangrongachim.

Attamni dolo manderang bangbatrongaha, Chaani ringani chuongen gitchapila aro

pilakan kusi onge chaa ringaha. Jawaharni atchiani salon manderang bangbate rebarongachim. Jawahar ua salko bakbakan reanga gita chanchirongaha. Walo tunasio biaptango atchiani salko maniara bilsio changsasan ine duk ongrongachim.

Jawaharni bilsu bilsichikung ongahaon, Nehrumang dalgipa namgipa nokgitalona jita-angaha. Ua nokko "Anand Bhawan" mingachim. Uni ortoara "Kusini Nok". Ian dalgipa bari aro chi jroani pokkri gnanggipa nok ongachim. Nok gitalona rebae Jawahar kusi ongaha. Jrochakani pokkrian uni namnikbatgipa biap ongachim. Antangni bangbata somoikon ua pokkrian jrona skie reataha aro unbaksa chi jroe rona uni bangbea ripengrangba rebaaha, maina Allahabado ian skanggipa chi jroni pokkri aro manderangna maiba gital mesokani aro ansaoatani ongachim.

Antamrangoba ua ripengskaranko chi jrodile rodilaha. Ua antangni chi jrona changako mesoke dalgiminrangni jrona sapgijako kalake rona namnikachim. Uamangni kisangchini rebapile ua uamangko chio sikchipbile kalakrongaha. Sakoba chisamo chadenge dongako nikode, ukoba ua jippakwate rorongachim. Indaken uni pokkri sepango dongenga dipetde dalbatgiparangde tomtom ronan manjachim.

Knabo Ta'ma, ia Anand Bhawano bijolini batirang (electric light) dongachim. Unomit-ing Allahabadni pilak gipin nokrango bijolini tengatanirang dongkujachim. Bijolini bilchi

tengatani gimin chanchina aro uie rana joton
kaanio, Jawahar banga somoirangkon reataha.

Anand Bhawano pangnan sokgiparang gap-
aiachim; maina Nehruni pagipa Motilal uni
ripengrangko soka chakna sikbegipa ongachim.
Jawaharde dogo penggipa bararangni mitinosa
dongnue, sriksrik pagipani sokgiparangmung
cha ringarangko neurongaha; maina nokgimik-
on uamangni kadinga aro agangrika gapaia-
chim. Changsade pagipa Jawaharni neuatengako
nikatenba uko salchrakbaaha. Danang: Jawa-
har rima mane, kratchabeaha, unbaksaba pa-
gipa uko antangni japingo dikdiksana rime
dongaha. Chonmiting onгани gimin chuni rong
gitchaḡa ine uijae, pagipani ruatmitingo ma-
gipachi katbagalgale, "Ai, babade anchiko ring-
enga" ine aganeaha.

Adita bilsirangni jamano uni nogipa atchi-
ako ua magipani kuturi nalsao sengtimenga-
chim. Kuturioni Doctor ongkatbae una aganaha,
"Nangna nono manaha; nonosane, jojong ong-
jane, nangnan namaha maina jojong ongode
nangpani gamko sualna nanggenchim." Doc-
torde etalesa roachim, Jawaharde antang bakko
samungba suale rana nanggen ine chanchie
gisiko duk ongaha.

Bilsisa reangtaiaha, Jawahar dao bilsa chi-
sa ongaha, Mr. Brooks una English skienga-
chim. Mr. Brooks gisik sengbegipa aro skina
changbegipa ongachim. Uni skiachin Jawahar
banga English kitaprangko poraina manaha.
Ua daldalgipa aro mingsinggipa kitaprangko
poraitokaha. Theosophy, chongmotan Isolni

giminba Mr. Brooks una aganrongachim.
Ia kitapo mande aro Isolni dakgiminrangni
bebe onganini gimin seachim. Iarangni gimin
Jawaharni gisiko name masijahaoba, ua porai-
na aro chanchigrikanirango dongpae knatimna
namnikgipa ongachim

Ia somoion agilsako dakgrikani Japan
aro Russiani gisepo ongkataha. Bisasan ong-
oba Jawahar ia dakgrikani gimin knasoe
gisiko nangsobeaha. Japanni gimin aiao in-
mangipa golporangko knae, ua Japanna
gisiktango chakaba chakaha. Skangni mat-
grikrang gita salsao Indiako aro Asia gimik-
kon Europeni jatrangni jakoniko ba sason-
oniko jokatna mangel ine ua chanchibeaha.

JAWAHARLAL AGILSAKKO NIKA.

Ta'ma, da'o Jawahar bilsì chibongari-
pante ongaha. Uni pagipa ia anchingni
asongko wate gipin chela songchi reangna
mangsongaha. Dingkari sal, May jao, Mo-
tital antangni jik dedrangko rime England-
ona chochakatangaha. Nibo Ta'ma, daororo
anching somoiode song chelachiba, sagal nals-
sachiba ba jechiba retokaia. Indiba ua sak-
rangode songtangtangkon wate rerongja, re-
genoba madrangrang namnikja. Chela songchi
aro sagal nalsachi reangode uan sua nanga
chongmotan rongtalgiija ongaha ine mande-
rang chanchia aro chonikachim. Iarangna
Motilal simsakjaha. Madrangrang aro gipin
manderang jekoba aganchina, uade antang

jik' aro dedrang sakgniko rimbite England-
ona sokange, Jawaharko English schoolo
doneaha. Ia schoolara mane chagiparangni
a,ro saheprangni schoolsachim. Jawaharko
schoolo done anlangmangde Europechi ro-
angkue joljol Indiaona rebapilaha.

Danang Jawaharde agitalrang baksas
asongtangoni chelbeaosa onge, songna ka-
pakbeaha aro schoolko namnikjachim. Song-
badrangko poraie agilsakni pilak obostarang-
kon uina mantachim. Gipin bisarang gita ua
lessonmangmangkosan poraiajaha. Ua schoolo
namibatgiparangoni saksas aro gisik srangipa
ine nike pilakan una kasabeachim.

Asongtangoni chelbeaosa ongoba, salanti
songbadrangoniko poraie Panjabo, Bengalo
aro Indiani Jakgitelanina manderang maikai
rake krengenga aro asong gipinni bosturang-
ko jakkalna jechakaniko dakenga, ia pilakni
gimin ua gisik nange poraisoengachim. Ua-
rangko poraien uni gisik dingrorobaaha; in-
dioba gopo kac ropaha ba agangrike ronaba
darang ripengba gachim. Gipin asongni man-
derang Jakgitelaniko maikai manaha indak-
gipa kitaprangko poraibataha. Uni namnik-
batsranggipa kitapara, Italyni dilgipa GIRI-
BALDini gimin ongachim. Uororo Italyo
chonghongipa songnokrang gesa gegipin bak-
sa dakrike tomtomgija ongaoni aro asong
gipinni bit ba sasononi joknara batesa nang-
rangrikachisa onga ine ua tale masiaha.

Jawaharni gisiko dao bate batesa tomtomgija ongbaaha. Ua uano poraianiko matchotmano Cambridgeona reangaha. Naa gisik rabo Ta'ma, Cambridgekode nambatgipa college ine mingsinga. Inon Nehru bilsu gittam poraiaha. Gisepe de Nehrua uni English ripengrang gitan tarie gana-china dakpae, bangen koros kaaha; indiba uni nogipa atchiaha ine knaon koros kabeaoni dontongaha.

Poraianiko matchotmano dao maiko kagen gisiktango tik kakujachim. Basakobara dalgipa Officerni kamko kae Indiako jakgitel-atna sikachim. Pagipa gitan Ukilni kamko kanaba ua basakobade sikaha. Ua daobatai ukilna poraina Londonona reangaha. Ta'ma, naa chanchinabe, Jawaharde poraisimsimaia ine; chutimitingrangode ua kalgrikrongaha. Changsao ua pagipamung Berlinchi reangon. aeroplaneke bilatchenge nigipa Count Zepplinko nikaha. Ia mandean aeroplaneke dakchenggipa ongachim. Germanyo sason kagipa Kaiserba uko nina rebaaha aro banga manderang Zepplineko grongna kusi ongbeachim. Un walo Berlino Zepplinko mande rana dala alaniko dakaha; manderang katchatokaha aro sakpraknan Count Zepplinni noksako onaha. Jawaharba noksako manpaaha aro uko ua pangnan name rakkiha.

Changsagipaoa uni ripeng English pante saksa baksa Norwayni nitobegipa abrirango romitingoba ua namen kusi ongbeaha. Ripengsaan chele jaachi ree roahani gimin neng-

bee Hotelona sokbapilaha. Uamang aucheng-
na sikaha. Hotelo auna biap dongjachim.
Auna skode sepango chiring donggipaona re-
ange auechina Hotelwala aganataha. U ni
gimin uamang ripengsa sakgnian auna reang-
bebeaha. Jawaharan chiona ongonangcheng-
aha. Maibakai gasoltape, ua kasinbegipa su-
urioni jokbaenggipa chio napsimoa been jada
changpilaha. Abrini chi tarakgipa uko bal-
pakangaha, aro ua chio sripe signokchim.
Ripengtangsa nikate chi rikamjoljol katange
ja'ao rime uko agaona saldona manaha. Dik-
diksani jamanode ua chidare chugipaona sok-
nasijokchim. Jamanosa uko nike ripengsaan
kenbeaha.

SONGTANGONA PILBAA.

Knabo Ta'ma, 1912 bilsio dao Jawahar-
lal bilsil kolgrikgittamni pante, daknangbejok
nitobejok. Ua dao Indiaona songtang nok-
tangona rebapiljok. Madrangrang uko nikso-
na kusi ongbeaha. Magipade una mamanti
chaanirangko tarie donsoaha. Unomiting uni
madrang Musoorieosa dongengachim. Uni no-
gipa Krishnako daosa ua nikeaha. Nogipa
dao bilsil bonga ongsoaha aro manderang
adatangko jongkaie kao nangatrangachim.

Na'a uiana Ta'ma, Jawaharni atchina
bilsil bri skangmangmang English mande
sakgni Congressko dakchengaha. Skia man-

gipa Indiani manderangko grongram ba gopc
 kae roani tomram gitasa uara abachengode
 ongaiachim. Daode nibo, uan chansokpilaja
 manderangni tomjakanisa, ongskaaha, maina
 iamang Indiani obostana kasachakgiparang
 ongaha. Indiani obostako maikai dingtang-
 atna mangan uani gimin chanchiroraha,

Jawaharlal a n t a n g b a pagipa gyan
 Congresso nangrime binchiye kam kana aba-
 chengaha. Indiba uni pagipaan ukil saksa
 ongan gimin, Englandoni rebapile Jawahar-
 lalba apsan kamko kana nangpaha. Ua pa-
 gipana kenaba kena, mandeba rabeachim;
 maina Motilal Nehru de dalgipa ukilsan ongja
 uan saksa skia manbegipa aro Englishrangni
 gisik, bewal aro kamko name masigipa onga-
 chim. Ua Englishrangni kosako dakgrikgen-
 chim ongoba, uantangan kam cholonkode
 namnikbegipa ongachim.

Indaken ua Indiakoba Europe'gita ong-
 atna sikaha. Jatni namgija dakbewalrangko
 galjaode churorona manjawa aro jakgitelan-
 ko manjawa ine Motilal aganrongachim. Ua
 antangan Europeanang gitasa janggi tanga
 ha; aro gitcam dakbewalrangko gimaatna
 joton kabeaha. Uni Englandchir reangemiting
 somoiode, sagal nalsach; reangahaon mande
 rongtalaja ongaha; unigimin asongtangona
 rebapilahaon. Hinduranga, niam gita, uko
 rongtalatpilna nangachim. Indiba Motilalde
 dakjaha aro dakna jechakaha. Banga man-
 derangan uko namnikjaha, indiba Motilal
 ontisaba simakjachim.

Jawaharlalba pagipa gitan English dakbewalko namnikaha aroba Nehrumangde bisaeonin European rodilgipa aro skigiparang baksa dalbaachim. Jawaharlal giseode burungrangchi sikar kae rona reangrongachim. Beben matburungrangko gonade ongja burungo rona namnikmanchaesa. Salsao ua balgitchak mangsako nike goaha; balgitchak uni jaaon gaakchake, mikronrango mikchi gape uko nigitoe siaha. Balgitchakni mikchi onga-ko nike Jawaharlalba duk ongbeaha aro mamung saloba gotaijawa ine miksongsrangaha.

Ia salrangon Agilsakni Dalgipa Dakgrikani ongaha. Beben uan anchingoni chelbeaosa. Anchingde noktangtango jajrenggija dongna mana indiba dakgrikani adamrangode baditan sootani, saknaani aro siani ongenggenchim.

Jamano ia dakgrikani anchingonaba sokbaaha, maina anchingni sorkariba banga panterangko, aro sipairangko France asongchi aroba Misopotamiaona aro Iraqona watate dakchakpilaha. Dakgrikani matchotahaon Indiani manderangba asongtangko sason kaaniko nangnikpana abachengaha. Uandaken jingjengataniko dakna abachengataha. Ia kamrango Jawahar aro pagipani jakba dongpaachim. Asongni banga biaprangon tomanirangko dakaha, Allahabado tomanio Jawaharlal mande jinmana uni aganchenganiko dakaha.

Unomiting ua kratcharakgipa mande ongachim. Mande bangako nike kena napa-

ha. Ia obosta intalan Jawahar antangko Indiani Jakgitelanina onkange dukrangko chakna abachengaha. Ua pilnipil patoko donata. koba manaha.

KAMALA ARO KASHMIR.

Sinkari badiange abarango pulrara gapachim. Bijakrang ritimtoke bolrang nitobejok. Ia salrangni salsao, nitogipa kratcharakgipa bilsa chisnisan ongaenggipa metra KAMALA baksa Jawaharlalko bia kaatna tik kaaha. Jawaharlal aro uni pilak madrangrang, pul aro nisanrangchi nitobee tarigimin dingtangmancha Reil gario gakate Delhiona reangaha. Ia dalgipa bia kaaona bangbea manderang rebaaha. Daldalgipa manderangko okamaha aro bangen kusi onganirangko dakaha.

Bia kaani jamano Nehrumangde antangmang songchongmot Kashmirona rejoljolangaha. Abrirangko nike uarango asonge rona kusi ongbeaha. Ua gritangko rimbite abri kuchotrangona gakatangna, rejojoe rona aro suuri tinkagiminchi pindapgimin chiringrangko batsote roaha. Indaken salsao abriko maldorikrikangen, Sind akaweona dakanggipa Zojila Passonan sokangpilaha. Unona sokangon, Amaranath minggipa Hindurangni mingsinggipa rongkol mile snimangmang chelalaha ine knaaha. Unon Jawahar unona sokstrange reangna sikaha.

Uan chelbea ongjaoba namen kenbegni gananggijagipa rongdare rongbrakosa onga- chim. Ronggrim rongdarerangko, rimilgipa suurini plengrangko batsotmitingo rakgipa budurangchisa antangtangko karitinge rena nangachim, jedakode saoba gaakgenchimoba buduko salrike jokatna mangen. Ghonta chignina gadomanani jamano, suurini abaona sokeaha. Iani kokkimanangnangosa nalsachisa ua agangipa rongkolara dongachim.

Suurini abako altuae batangna manjaoba uamang kadongen reangkuna mangsongaha. Uamang reanguon akolrango aro chikar- rango suuri gapani gimin jakuantion suuriko gaprue rena gaakaha, indimangba Jawahar dondikgijan reanguaha. Rangsang gaake ua suurini akol ningchi napangahachim; Indiba uni kangkareo kabitgipa budu dongani gimin- sa uko saldoe jokatna manaha aro, ua biaponin Amaranathko nikkija pilbaaiaha.

Ia somoio dakgrikani bonahaoba, India- ni manderangni gisepo pilak biapरणon so- sojengjeng ongbataha, mongsongbate Punjabo bilongbatengachim. Sorkariba indakgipar- angko champengna ine bangakon rime patoko donataha. Iarango nikosa asongko dilna ine Mahatma Gandhi onkatbaskaaha.

Gandhijide iana skang South Africao, anchingni manderangna chake bangen kam kaaha. Uoni rebaesa ua chakki gita asongni bil aro manderangni dilgipa ongbaaha. Chak- chikani bil aro nama gunrangni gimin ua

skirongaha. Bobilko silchidarechi warachakode, antangtangnasa duk aro saknaani ong-ronga. Unigimin namgijako Namachisa amna nanga ine skiskaaha. Indake ua manderang-ni dolko dakdilaha, je dolan Sorkarini niamko tomtome golmal gri warachakgen. Jawa-harba 'ua dolko nangrimpaaha. Motilalde depante chipako mangen aro banga dukrangko chakna nanggen ine uisoe namnikbreja-chim.

Salsao uandake Sorkarini bengako ming-gija tomdake melamitingo, police aro sipai-rang tomako dontongatna aro bilding bildang ongatna slairangchi goe, banga manderangko saknaataha; mitamrang siaha aro kenjagok-beaha. Indiba ia asel onganichi batesa Hindu Muslim nangrime, India ni Jakgitelanina Mahatma Gandhi baksa apsan jaku depana didiatako manaha.



PATIANIRANG SOKBAA.

Indiani Jakgitelanina Jawaharni rake kam' kamitingo, nitobegipa demechik saksa una atchiaha. Uko **INDIRA PRIYA DARSHANI** mingaha, maina uan nina nitobea aro kasana gitik dakaiachim. Naaba uni nok-sako nikrongahaba mo Ta'ma?

May jani salrangode akawerango bilong-en dinga. Uni jikgipa aro magipaba been ansengjaenga ine nike, Jawahar uamangko kasingipa ansenggipa abrini song Musoorie-ona rimangaha. Himalayani saliramchipak Afghanistan donga ine Ta'ma naa gisik ra-engama? Unomiting chachaon **Afghanrang Englishrang** baksa dakgrikani ongengachim. Jawaharni dongegipa Hotelon adita **Afghan-rangba** dongpaachim. Unigimin Indiani Jakgitelna **Afghanrangko** dakgrikchina molmolnasa Jawahar rebaaha ine uko Sorkari chanchichip-aha. Indaken salsao Police officer Jawaharona rebae Ghonta kolgrikbrini gisepon Musoorie-ko wate reangpilchina ongjaode **Afghanrang** baksa nangrimjawa ine see onchina uko kurachakataha.

Jawahar Musoorieko wate rebaahaoba, magipa saa ine knaon, bakan pagipa baksa reangtaina nangaha. Sokangon antangni demechikko **Afghanrangoni** saksani rime roengako nikenba ua aiao inmanaha. Maini asel **Jawahar Musoorieko** bakan wate reangna nangaha songbadrangoniko nikantal **Afghanrang**

gisik nangbataha ine Kamala tale agane on-
aha. Uamang batesa pulrang aro biterangko-
ba onatrongachim aro Indiranaba kasabetok-
achim. Jawa har aro Motilalba uamangko
grongaha.

Jawaharko Mussorieoniko watatpilara
bikpilgipa patianisa ongskaaha; Allahabad-
ona reangpilon, gangiparangoni saksa dil-
gipa RAMCHANDRA minggipako grong-
aha. RAMCHANDRA Indiani million gam-
giparangni duk saknaanirangko nike, uamang-
ni kosako sinjetenggipa Mahajonrangni kosako
dakgrikchina aganaha. Hajalni hajal gam-
giparang ukon skang wate, "Sitaram" ine
chrike mande jinma Allahabadonan rebatok-
engachim. Ia manderanga Ram-Sitani sason
karam asong AYODHAO-oni ongachim.
Jawahar uamangko grongna reangaha. Ua-
mangni pilak dukrangko ua knapaaha. Kata-
rangko knamano antangba songchi reangpae,
mai cholchi dakchakpana mangen chanchi-
rimaha. Ua songrangchi rejojoe niroroan
baksa Mahatma Gandhijini skianirangko agan-
joljolaha. Ua inditan rake kam kaaha, ding-
karini sal rakako aro jiktang detangkon
gualpilaha.

JAILO CHIPAKO MANA.

Englandni Rajani depante dejakra, raja ong-
riknasigipa, Prince of Wales, Indiaona reba-


nasiengachim. Namniksogijani chin, nisan gisimrangko songdosona ine Congress chanchi-somanaha. Salsao Nehru officeo kam kamit-ingo, policerang uni nokko changdule Nehruko rime raangaha. Motilal aro banga gip-in manderangkoba rime raangaha; indiba Gandhikode jakdangdikujachim.

Jawaharko ja gittam, Motilalko jadokna paningsakon patoko chipaha. Uni janggi tangao ian skanggipa changna patoko donako manani gimin uni gisik dingachim. Abachengao uamangko kasae jakkalaha. Jawahar uni pagipa aro gritangrangko damsan chongipa nok tesao dongdimna onachim. Madrangrangkoba grongena onachim. Pringo nokko itroke, antangni aro pagipani barako sue, dikdiksa kilding rike, attamode pillakan kalgrikna aro sea jotani classrangko dakna manachim. Uamang songbadrangko poraie, asongdule agangrike ronaba manachim.

Jagittamni jamano Jawahar patokoni joke, Allahabadchi reangpile kamtangko abachengtaijok. Indiba bakan uko rimtaie, bilsisa jadokna patoko donattaijok. Luknow jailona reangon pagipakode Naini Talchi watatjok ine nikaha. Patok nokni niamrangba rakbatahachim. Indioba ua walo askirangko nie aro saloba leka poraie dukni salrangko reataha. 1923 bilsio Jawahar patokoni jokaha.

Patokni dogarangko oahaoba, asongni Jakgitelni kamna rakbate kam kaangkuma

ua kangkare kaaha. Indakmitingo Uni jik-
gipade Nehruni pagipa Motilal baksasa dong-
engachim. Kamala been ansengrorojae ruut-
gijan saa bilongaha Doctorrang uko anseng-
gipa namgipa biap Switzerlandona rimang-
china kupatiaha. Unigimin Jawahar Kamala,
Indira, Vijaylakshmi aro uni segipa baksa
Switzerlandona reange, unon bilsisana dongbae
Kamala namkalahaosa, Indiaona rebapilaha.



Indiako maikai nambate s a s o n kana
mangen, name sandie nina Englandoni mande

saksni rebaachim. Darangba uamangko rim-
chaksojaha aro namniksojachim. Unomiting
Jawaharde Lucknowon dongengachim. Man-
de jinma tomdake ua saksni rebagipa English
manderangko reangpilchina chrik abokaha.
Jawaharan manderangko dilengachim. Police-
rang gurerango gakate aro jaachi ree, man-
derangko goldikchi doke kamikkenatahaoba,
manderang ontisaba kenako mesokjaha aro
dondikjaha.

CONGRESS PRESIDENT.

Pilak manderang kusi onge aro namnike
Jawaharko Congressni President songaha. In-
dia asongni noksik nokbakranganon uni bi-
mungko knaangaha. Manderang uko nikna
siktokbeaha.

Oh Ta'ma, anga aganna gualenga, Indira-
ba daode dalrorobaengjok aro pagipa baksa
agangrike ropana somoi jokjaoba, somoi mano
pagipao banga singanirangko singrongachim.
Dingkarrio magipamung Musooriechi dong-
mitingo pagipade Allahabado dongrike Indira-
na banga kupatianirangko chitio seatrongaha.

Allahabado nitogipa nok Anand Bhawan-
ko Congressrangna one, antangtangnade dong-
chakna chonbate nok tesako riktaiaha. 1930
bilsio Gandhiji antangan Indiani Jakgitelanina

bilongbaten krengdilna miksongaha. Bangbea mea aro mechikrang, Jawaharni jikgipa Kamala, Jawaharni magipa aro nogipa sakgniba dolo nappaaha. Uko nike Sorkari Gandhiji aro Jawaharlal sakgnikon rimsrangaha.

Sakgipinrangoniko maekatna sike Jawaharkode chongipa kuturiosa saksan donaha. Dingkarini sal ongani gimin ua kuturio chaktogija dingachim. Walode nok mikkango apalo tuna onachim; indiba gakate katna kenen uni palangko jringipa sildengchi kabite donachim. Uano ua jasana duk onge sikdikdik ongoba dongna nangaha.

Patok noko ua dodrang matrang baksasa ripeng dakaiaha. Uni kuturi sepangon dosik manggni dongachim. Dosikrangoni mangsa Mithu minggipa mikmalbatachim. Mithuni sepangon manggipin Mithuni kasagipa Muni minggipa dongachim. Munide kratcharakgipa ongani gimin bange mikmaljachim. Mithu Muniko namnikenga aro uko manna sikenga ine Jawahar uiaha. Salanti dosikrang manggnigni bae, kusi onge agangrike rorongachim. Indiba salsao, manggipin dosik Laloo bachiniba bilbae Muniko sekna joton kaaha, aro Muniba uko namnikbate mesokaha. Dangan, Mithude kratchae, kalime bitiptangonin onkatjaha. Jawahar ia pilak dukko masie, aro duk ongchake uni bitipona reange uko dok-



tope inaha; "Mithu naa duk ongnabe, batè-
sa Muniko manpilna kadonge aro krenge
dakgrikbo."

Unikoa Mithu kusi onge aro kaa dinge,
Lalooni bitipona bildoe rabiha. Laloode uni
mikron gitcaka kao nangako nika kenbeaha
Manggnian dakgrikna tariala. Antangni asel
pante sakni dakgriknasienga ine uie, Muni
rasong chabeaha. Dosikrang dakgrike bon-
chotao Mithuan cheaha. Muni kratchaa gnang
Mithuni sepangona rebae uko kudimaha.
Untal manggnian Jawaharni kuturi sambao
dongkamaha.

Gilahari minggipa mat mangsaba uni
kuturi sambao dongachim. Salanti Jawahar-
ni apalo asonge siksak illenggija kitap porai-
ako Gilahari mat nikrongaha. Basakoba
basakobade mandeana ba bolsama ua uibre-
japilahakon. Salsao mat Jawaharni jaa se-
pangbekbekonan malbaaha. Jamankitiko ua
Jawaharni japingonan bildosrangaha. Jawahar
matni janggilko doktopaha. Skanggipao mat
kenahaoba, kasne kasne ua kenrorojaha aro
mikmalsrangaha. Antangni chaaoniko onti-



prakkode ia matna
Jawahar rakkisorong-
achim. Antang cha-
mano chaspa ruti ba
biterangko noktang-
chi baldoangna matba

uona rebarongaha. Indake uamang ripeng
onggrikaha.

Salsao mat sinbatani salo kusi onge Jawaharona rebae aganaha, "Daal sal kasina," Jawaharba kitap poraiako dontonge aganchakaha, "Oe, kasinbea." Mat intaiaha, "Daal gita kasingipa salo apalchi ree rona baiditan ansenggenchim" Kadingsmite Jawahar aganchakaha, "Angade reangna manja, Gilahari". "Maina manja?" ine mat singtaiaha, "Angara patok nokonin ongkatna manja" ine Jawahar aganchakaha. "Sawa nangko chiptate donenga?" ine mat nitate aiao inmane singtaiaha. Unon Jawahar matna antangni golpoko tale agane onaha. Indiani Jakgitelanina maikai ua aro uni nokgimikan, demechik Indiraba kam katokenga pilakkon aganon, matde kuangpile knatimaha. Unikoa mat aganchakaha, "Naa saksa dalgipa mande onga, anga nangni ripeng ongna sika". Indaken mat Jawahar baksa ripeng ongaha.

Ia salrango Congressrang rake kam kangachim. Banga manderangko rime kaaha, mitamrangko patoko chipaha aro Motilal Nehru paningsakoba patoko donattaiaha. Jawaharni dongchakram patok noko chakpiljajok. Pagipamung apsan dongrimna mane Jawaharde pilsa kusi ongpilaha, maina pagipani been ansenggijani salo ua nirokna mangenchim. Motilal sachepchepani gimin Govt. uko patokoniko watpilaha. Pagipa jokangani jamano ua saksan sikdikdik ongahao-ba, uni ripengrang Gilahari, Mithu aro gipin patoko dongpagiparang uko kadimeataha.

Jadok matchotmane, patokoni ongkatang-na skang, Gilahari aro Mithu uko grongrik-aha. Indiba salchetni jamanon uko rimtaie apsan patok nokonan watatpliaha. Uni ri-pengrang Gilahari aro Mithuko grongepilna kadonggramaijok. Uarang gipin biapchi katso-ahachim.

1931 ni New Year ni salo, Nehruni jik-gipa Kamalakoba Sorkari rimaha ine Nehru knasoaha. Ia somoirango Kamala kadongen antangko onkangpilen ua asongni kamko ka-engachim. Uko rimna reanggipa policerangna Kamala inaha, "Anga setangni jakolko jarik-na kusi onga, aro asongni manderang Nisan-ko chue rakkigen ine anga beberaa."

Kadongen Kamala patokchi reangaha. Sal kolgrik gittamna ua chipako manaha. Motilal bilongbee saengani gimin, Nehru aro Kamala jiksesakon sina skang grongrikchina watataha; maina Motilal nampiljawaha ine Doctorrang ujaha. Bean bebe sal chisani ja-manon Motilal siangaha. Sina skang antang-ni sepango dongtingipa Mahatma Gandhina Motilal aganangaha, "Mahatmaji, angade reanggnok; Swarajko nikangjawaha, indiba ruutgijan naa uko mangel."

Motilalni sianiara asongna namen gima-beani ongaha aro Jawahar baksa pilak man-derangan duk ongrimpaaha.

HIMALAYA JAPARANGO.


Asongni kamko sal wal dondikgija Jawahar kaanguaha. 1932 bilsio daoba banga manderangko rimtoktaiaha.

Jawaharlalni abitang sakgnikoba patoko donataha. Uni magipan banga manderangko Allahabado redile dakdilahani gimin Police-rang uamangko dokbeaha, aro doken nomataha. Indakmitingo Kamalade saa bilonge noko tue dongengachim. Nehruni patoko dongmitingo gisep gisepde uko grongna Kamala aro Nehruni magipa reangrongachim. Salsao indake grongmitingo, Jailni officer uamangko chonnike roaha. Untal antangko jailona rebae grongetaijachina Jawahar bengataha; maina grongna sikbeoba indita chonnikako chakchikna manjawachim. Ian una dala dukni ongahaoba, ua pangnan chitirangko see uiatrongaha.

Nehruni namnikbatgipa kitapara Songreani kitaprang ongachim. Ua German kusikkoba skie rana sikbeachim. Salsao Himalaya abrini japao donggipa Dehra Dun songjiamani potokona uko rimangskaaha. Iano-na uko walosa sriksrik rimangengachim. Uni German kusikko skie rana sikako masie, motoro rechakatnasion Police officer saksa una adita German magazine gitichamrangko onataha. Jawahar uko gisiktango mitelbeaha.

Dehra Dunni p a t o k nokni chongipa
kelkirang gita ua abrirangko niwatrongachim.
Dingkario abrirangko tangseke nikoba, sin-
kariode suuri pindape boksoso nikskaachim.
Jawaharni gisiko ua abrirangko gadoe, abri
kuchotona agilsak gimikko nigamatenga gita
chanchirongaha.

Adita jarangni jamano antang baksa
chongipa joongrangba dongpaenga ine ua
nikaha. Uanon chibrimrang, tampirang aro
bijarangba dongpaachim. Chonchongipa chi-
brimrang doldol dake, nengmangijan pakma-
ko maldokamaengachim. Tampirangba mong-
songbate attamchibara bildingdinge, tusinasio
gingtingrango mabake golmal kabeachim. Bi-




jasikrangba nokkingo
bitip d a k a c h i m .
Indiba uarangde ma-
mung golmal dakgijan
kamtangtangnasan gi-
sik onaiachim. Indaka
joong gukrangchiba
ua antangko kadim-
eate uarangkon rip-
eng chane dongaiaha.

Pringsao uni kuturi apalo maiba mikoa
gita knaaha. Chakate amroraahaon, chikareo
achak bisa dudaldal manggitamko nikaha.
Uarangko okkribea gita nikachim. Ua uarang-
ko antangni lepchi romrome dut kanaha.
Jailer (Jailko nirokgipa) uarangko n i k o n

achak bisarangko raangatna amachim. Jawahar kasachake rakkina biahani gimin jamano don-angpilaha.

Achak bisarangoni mangsako siksakbe-gipa, katjojokamaigipa ongani gimin uko "Chanchal" mingaha. Manggipinara deng-gubeani gimin, uko Natkhat mingskaaha. Gittamgipako kusi ongrakani gimin uko Khu-shi ine mingaha. Jawahar baksa donge achak bisarang dalrorobaaha. Salsao Chanchal apal-chi ongkatna sikaha. Ua attamo sriksrik do-ga omitingo, ongkatangaha. Chanchal jakgitel sarao sorokrango katjojo-rejojoe roaha; attam-o ua noktangona rebapilna sikaha indiba do-ga chipchangahani gimin napbapilna manjae mikowelwelna abachengaha.

Darangba una simsakjaha, batesa repak-angenggipa mande saksa uko roongchi go-tataha. Walgimik sin'a chake ua chikareo tue, pring sengosa ningchi napbana manaha. Ja-wahar walgimik una kasachake tusinan man-piljaha. Pringo uko manpilahaon, kusi onge gipake una dut ringna onaha. Ia patok noko achakrang uni ripeng-rang onga-haba, bo-bilrangba bangachim.



**Uano rudatrang, gangguarang, chipu aro kep-
gipa chikgipa mekonchekrangba bangachim.**

**Gipinrangna skina ine salsao ua mekon-
chek mangsako rimaha. Kangkareo uko bu-
duchi kae, pakmao kadingdee donaha. Illeng
siksake bonchotao mekonchek jokangaha, aro
pangnaba rebapiltaijaha.**

DUKNI SAL.

**Bilsisa adhamang patok dongani jamano
magipa saa bilongenga ine Jawaharlal kna-
aha aro magipako gnongrikna gila uko wat-
aha. Magipa ontisa namkalaha Ianpako
Jawaharlal ja 5 sal 13 patokoni ongkataha.
Indiba unjamanon Sorkari rimtaiaha.**

**Unomiting Kamala sae bilgriroroaha,
Sorkariba danang Jawaharlalkoba sagipako
nichina watataha. Sal wal sanstape Kamala
ontisa komiahaoba, un jamanon Jawaharlalko
patoko donatahaoa, Kamala sataie bilong-
beaha.**

**Sorkarini sasonni bidingo mamung gol-
mal kajawa ine kurachake see onchina Jawa-
harlalko molmolbeaha. Indake kuchakode
uko watna aro jikgipachi reangna ongen ine
aganachim. Iako Kamala knaon mamung
saloba indake see onjachina bengaha. Salsa-
batbat Kamalade namrorojaha. Doctorrang
uko Hill Station Bhawaliona rimangchina**

agantokaha aro Jawaharlal koba Almerani se-
 pangogipa patokona watatna tik kaaha, je-
 dakode gisepo reange jikgipako nirokna chol
 ongganchim. Ia cholna Jawaharlal Sorhariko
 mitelbeaha aro asongtangni abritangona sok.
 bataie, balsrisri balwarang, knatea do ni mat.
 ni kurangrang aro kasingipa chibima aro a-
 ramrangko nie ua katchabeaha. Antangni jang-
 gi tangani gimin chongipa kitapko Kamalana
 onna mangen ine ua chanchiaha. Dao Doctor-
 rang Kamalako German asongonasa rimang-
 china uiataha, maina ua song kasinbata aro
 uno namgipa doctorrang dongachim. Unigimin
 demechik Indirako rime manungsa re a n g e
 Jawaharkode patoko saksan dongalanga gita
 ongaha.

Uni gisiko Kamalani gimin kenchake
 chanchiako uni patok néko donggipa moina
 manggittamchisa gualata gita dakaiaha, maina
 uarang salgimik gimik mikoako dontongjachim.

Germanyona sokange batesa Kamalani saa
 bilongroraaha. Sina skang Kamalako grong-
 china Jawaharko patokoniko watataha. Kamala-
 ko nina ua bakan bilangaha. Pilakan jajreng-
 bee una nichaksoengachim; maina dikdiksani
 gisepon Kamalani obosta dingtangna manaja-
 chim. Unikoa bean bebe, Kamalani siani ko-
 bor sokbaaha. Ian Jawaharnasan dukni
 ongjachim indiba India gimikuan ongaha,
 maina indakgipa namgipa maako manpilai-
 ani dongjajok.

1936 bilsio Jawahar saksana Indiaona re-
bapilaha. Demechik Indirako Englando
sehooko donbaaha. Noktangona sokbae mik-
granggrang dakako gualna ine ua rakbate a-
songna kam kana chanchiaha. Ua bilsion uko
Congressni dilgipa dakaba manderang seokaha.

Ruutgijan India Election (Dilgiparang-
ko seokani) ko dakataha. Congressni manderangoniko seokchina Jawahar rake aro name-
kam kaaha. Asong dam chisaoni damsonion
Congressrang cheaha. Kamtangni chusok mi-
na ua katchabeaha. Indiba una minggipin duk
sokbaaha. 1938 bilsio uni magipa siaha. Ma-
gipari siangengon, palangni sepango chadeng-
e, "uaba siaha" ine duk mane grapbeaha.

Ua noktango dongna gisik suk ongjaaha.
Apsan noko pagipa, magipa aro Kamala baksa
kusi onge dongrimani somoirangko ua gisik
rae dongtogija ongaha. Uni nogipa sakni
Vijayalakshmi aro Krishnaba bia kakujachim.
Uamangni skangonin rakkigipa chakkol Haride
dongpakuengachim. Ruuta bilsirangnan Hari
uamang baksa dongahani gimin uko noktangni
mande gitan nikaiaha danang. Pilak kam-
rungkon un baksa agangrikchengesa dakrong-
achim. Dao Jawaharni saksan sikdikdikni
saktango. Hari una maa gita simsakaha, mi-
chana rebajaode, ba ontitisan chasjode ba
agropile. kam kua o de uko maneng skiaha.
Kam jakrokani somoirango daman asongte
gopo kae, mikrono mikchi gape Hari agap
rongaha. "Oh ua saktang batangaha, anching
uamangko masung saloba grongtaijawahe."

JAJRENGANI SALRANG

Indakmitingo Ta'ma, agilsakna kenbeani ongaha. Kenchakani aro kenjagokatani, agilsako sosojengjeng ongatani sokbaha. Italy; Germany, Russia aro Spain asongrango antangtangni ska aro namnika gita sason kagiparang nakataha. Indakgiparanga bilko manna mikbokgiparang ongachim. Uamang dao bilgrigiparangko jete nole sinjetna abachengaha. Kamalani simano Jawaharni Italyo dongmitingo Mussolini uko grongna sikbeachim. Indiba Jawaharde uko grongna simaksakajaha. 1938 bilsio Jawahar Europechi reangtaie Spainona sokangaha. Un o General Franco manderangni kosa ko dakgrikaniko aganprake aro kasaninggija soote antangko raja ongatna joton kaengachim. Manderangni dukko nike aro knae, indakgipa dilgipako bate mitchinikaha. Duk sinjeta manenggipa manderangna Indiaoniko chaanirangko watate dakchakataha.

Unjamano ua Chinachiba reangaha. Uamangba Chiangkai-Shekni ningo donge kadonge Japanrang baksa dakgrikengachim. Iamangni kadonga aro gisik nanganiko nike Jawaharba Indiana kadongchakbeaha; maina India aro Chinani obosta apsachim. Asongtangona napdrabaenggipa bobilrangko China-rang indake warachakna manode, Indiaba gimaatgimin jakgitelaniko manchongmotgenine uni gisiko kadongsrangaha. Jamanoa Chiangkai-Shek uni jikgipa baksa Indiaona rebae ripeng onggrikaniko dakaha.

Jawaharni Chinaoni rebapilkujaon. Europeo dakgrikani ongkataha, jekon Agilaakni Gnigipa Dalgipa Dakgrikani mingachim! Iano British France aro America nangrime, Dictator (Antangni ska gita sason kagipa) rangko dakgrikna miksongaha. Unomiting Indiade Britishni nington dongengkuani gimin, Indiaba dakgrikao nappaaha ine Englishrang aganprakataha. Indiba Indianrangba dakgrikao nappana skang maiba dabaniko dabiaha. Antangtangan jakgitelgipa jat ongjaode dakgrik-anio jak onpana namnikjaha. Kasaninggija aro tolgiparangko mitchiani gimin Jawahar-de India Britainko dakchakon nambatgen ine inachim indiba Congress dolrang namnikjaha. Govt. ni kamrangko watgale, saksani jamano saksa dake patokchi reangtokaha.

Congress dolni chanchie tik kagimin aka Jawahar India gimiko rejojoe manderangko dakgrikna tarisochina agansoaha. Unon Govt. uko rimtaie bilsisana patoko chipattaiaka.

Patokoni joke obostarang namjabatenga aro Indiana kengnirang bangbatenga ine tua nikaha. Aselde salaramchi Japanrang Burba-ko ame anchingni mikkangon ongengalm.

Ia bilsirangon Mahatma Gandhi, Ieko wate katangchina Britishrangko moimaha, jedakode Indianrang dakgrikao jakkapanamangen, Pilak sonjamarangon babilirangon "Gipokrang India wate reangnanga" ine chrikna abachengaha.

**ketangjaskal' bobilrangko warachaksona man-
ja ino masiaha.**

1942 ni August 8 salo, Indiani dilgipa-
rang Bombayo melae "Tomtome Dakani"
(Peaceful movement) ko dakna chanchiaha.
Iarangko dakna skangan 9 tarikni pringon
Congress dolni banga manderangko rime jail-
o chipataha.

Pringo 5 bajion saksa police Jawaharo-
na sokbahia. Ua nogipa Krishna aro deme-
chik Indira baksa Bombayo dongengachim.
Nogipa aro demechikko basakon grongtaina
mangen uko chanchie ua duk manaha.

Dilgiparangko ringoptaiako nika, man-
derangni kaonanga sorkarini kosako ching-
chataiaha. Gandijini skiako chanchinan gua-
le uamang sorkarini manderang, policerang'
aro sason kagiparangko jeko mana jeko nik-
a, ajak sokskana aro mandetangni sorkari-
ko donna joton kaaha. Golmal aro jajrenga-
ni somoio Jawahar Ahmednagar aro Gan-
dhiji Poonani patok nokosa dingtang ding-
tang dake dongtokengachim.

Apalni ongenga golmalrangko aro Sor-
karini manderangko sinjetengako knasona
Gandhiji sal kolgriksana okumu chakna aba-
chongaha. Salanti ua bilgribatroroaha aro
palangonin chakatna manpiljaha. Manderang
uko signok inesa chanchipilaiaha.

Sal kolgriksana okumu chakmano, ua
 memang gita grengrokrok dakaijok; rangsit-
 anasan uko tangenga inaijok. Oh, indiba:
 baditan katchaani sal! Gandhijini mi chapil-
 ani salo uni janggiko rakkianina katchae
 badita manderang boliko onaha aro Isoko
 miteltokaha.

AHMEDNAGARNI BARIO.

Ahmednagarni patok noko Dalgipa kil-
 lani ningosa Jawaharde ua salrango dong-
 engachim. Ia killaon banga dakgrikanirang
 ongangmanaha. Ianon skango kadonggipa
 rani Chand Bibini warachakram biap onga-
 chim.

Chand Bibini kadonge dakgrikani ketta-
 rangko knae Jawahar ia killako namnikaha,
 Unbaksa banga ripengrangba dongpaachim.
 Dongrimpagiparangoni mingsingbatgiparang
 Vallabhai Patel, Gujaratni mingsinggipa Sar-
 der, aro Congressni President Maulana Abul
 kalam Azad.

Patok noko kuturi chisa dongachim. Ku-
 turi chikungode manderang tua, danga; indiba
 chisagipakode chachakna aro rochakna jakkal-
 aha. attamrango unon gopo kae rorongachim.
 Aganbatgiparangoni Jawaharan ongachim. Uai
 kattarangko knana manderang kusi ongbeachim
 Antio changprak uamang ianon gronggrike a-
 gangrike rorongaha. Indiba patoko ongipa chaani
 namjani gimin uamang antangtanga songe

chaaha. Jawahar songna sapbegipa ongpajani gimin' ua dochirangkosa songrongbataha. Maniani salrang, Diwali aro Ramzan salrangode uni ripengrang baksa Jawaharba dingtangmancha chaaniko songrongaha. Dalbatsranggipa maniani salara January 26 sal ongachim. Unsalode chachakram kuturiko pulrang aro National Flagrangchi nitoe tarie tomanio gisik nangatgipa agananirangko dake, bonchotao pilakan chadenge National gitko patok nokni pakmarang bretsusu dakpile ringrongaha. Patok noko minggipin gisik raani aro katchaani kamara, Jawaharni atchiani salko maniani ongachim.

Dongchakenggipa patok noko dalbegipa sara aro bol pangsa gnangchim. Jawaharlal uno aarangko tarie, pulrangko gee, nitogipa bariko dakaha. Salanti antangan chi ruaha. Aako cho- mitingo Chand Bibini somoini rongplengrangkoba manaha. Rongplengrangko maiba seani aro konganirangkoba nikaha. Bario kam kajaode ua pangnan poraiskaaha, maina uo banga ki taprang dongachim.

Kitaprangko poraie ua India asongni skang salrangko rasong aro dalanirangko masibataha. Gipinrangba uipachina ua kitapko senaba miksongaha. Gisep gisep charkao asonge, sari kingsana chuongna kilding rikenba patokoni jokahaon Indirana sari tarina nam- edake donaha.

1945 bilsio Jawahar aro uni ripengrangko Ahmedabadoniko Almorona jitangskaaha.

Kamalani sina skang ia apsan biapon Jawahar patoko dongachim. Uni gimin gitcham biapo, nkgimin abri, bolrang, pulrang aro dodrang baksa dongrimtaina kusi ongbeaha.

Patok nok sepango abrirango makkre-rangba bangachim. Ua rang bol pangsaoni pangsaona, cheksirango bildapdape kusi ongengachim. Patokni manderang uarangko nie rorongachim.

Salsao Jawahar nokningo poraic dongmitingo, apalo jikjakako knaaha. Manderang goldik, mong got rangko rae, boloni gaak-onbagipa makkre bisako dokna duultokengachim. Manderangoni saksa makkre bisako



buduchi gitoko kae, sarao saljojoengako Jawahar nikaha. Danang! makkre bisa kenbee chrikatengachim. Makkre bima aro bipara bisatangko jokatani cholko boloni nie dongengachim. Rangsang makkre bipa patokni guareona bilonchenge, saraona sokbaaha aro wakichengcheng dake manderangchipak rebaaha. Unon manderang kene goldikrangko gale katangtokaha. Makkre bipa bisatang-

ko gipake rangsan bolchi magipaona bildo-
angaha. Aiaol uan kadongbeani kam, onga-
chim,

DELHICHINA REBO

1945 bilsio dakrika matchoton, June jao Govt. bilak manderangkon patokoniko wat-
tokaha. Asongni dilgiparang Simlaona dobae
mandetangni jakchi sason kaaniko ragatna
melatokaha. Congressni dolkosan ongaigija
Muslim Leagueoni Mussalmanrangkoba toma-
ona okamataha. Simla tomanio banga chan-
chigrikanirangko dakahaoba, Congress a ro
Muslim League meligrikia manjaha Cong-
ress Indiako dolsan nangrimatna amoba,
Mualim Leagueranga dingtang Mussalmin a-
songkosa dabiskaaha.

Ia tomani matchoton, Kashmir kasingipa
abriona Jawahar reangaha, maina patoko
dongmitingon ua uchi rena sikbeachim. Iano
ua gisiko politicsni gimin chanchigija kusi ong-
e salko reataha. Indiomangba patokoni ong-
katon batesa ua asongni sasonni giminde tik-
ket tikket chanchikamaha. Pilak manderang-
an jakgitelgipa onga nanga, bilgrigipako bil-
akgipani jakoniko rakkina nanga, ine chan-
chie, bilakgipa Englishrangko amatna India-
ba dakrikna nanggen ine krengna chanchi-
sragaha.

Dakgrikani somoi gimik patokosa donge salko reatanina aro jakgitelatani kamrangko mamungba dakpana chol manjahani gimin ua gisiktango duk manbeaha. Agilsakni pilak gipin jatrangna chanchiani pal Indiani gimin chanchichengna nanga ine ua tale masiaha.

Unororo Indiaoba mande baseani (Election)ko dakna nanga ine Britishrang uiataha. Unigimin Jawahar rake kam kana abachengaha. Manderangko dingdoatna "Chalo Delhi" ingipako chrik--abokanichi Congressrang banga biaprangon chusokgipa ongaha.

Englandoba Election ongengachim. Uano ianpako kangalbatgipa aro kam kagipa dolni mandeko seokaha. Indiaoba indake dakachi India aro Britishni gisepo baikamgipa ripeng onгани ongen ine uamang tale masiaha. Unigimin pilak Indiani dolrangko Delhiona okamchimonge, Indiao mai dakgipa sasonko nangen uko melae chanchiaha.

Iako dakmitingon Englandni gital Govt. ni manderang, Indiani dilgiparangko Delhio sason kaenggipa English Viceroyno dakchakpachina molmolaha. Molmolako knachake Congressrang Muslim League baksa melie dakrimpaaha; aro Jawaharko dikdiksana Minister dakatchengaha.

1947 bilsini August 15 salo, India aro Pakistan ine songnokrangko one, uarangni skotong songrangko Delhi aro Karachio done Britishrang Indiani manderangni jakon sa-

sonko pakwatsrangaha. Bonkamgipa Viceroy Lord Mountbatten iarangko ongatna kam ka-beaha; uan Indian Dominionni skanggipa Governor General onge, Jawaharlal kon skang-gipa Prime Minister dakataha.

Jawahar Delhio demechik Indira baksa dongachim. Indira Feroz Gandhiko bia kae, depante sakgniko manaha. Dejakrako Rajiv minga, uan bisaode nagrak dakbea. Indiba pilakan una kasaa. Jawahar sugipana kasa-beoba uo kalgrike rona somoi gri.

Tama, naa dao kusi ongengakon, India jakgitel ongahani gimin? Britishoniko sasonko rarikara jringipa kam ongaha. Antangko sason kagipa onga kraatna Indiako tarina nangengpiti. Uan atugipa kam ongja Jawahar daosa rakbate bilongbate kam kana nangaha. Uni mikkango nengbee chanchianirangan gapaha. Basakoba ua sachongmotgen ine Indira uisoaha, aro jajrengrongaha.

Tama, dao naa iakon gisik rabo, India asongni Jakgitelako manna krengania golpo gita ongpilaha; indiba inn golpo ongja. Indiani Jakgitelaniko rabagipa Jawaharlal Nehruan ongani gimin, bisarangan iako name uina nanga aro knana sikbea.

Dao anching Jakgitelko manmanahaon, naa indakgipa India asongko rikna nanggen, jeon pilak manderangan a p s a n onga, jeon pilakan chana chuonge mangen, chuonga gana chinaniko mane bisa sakantian schoolchi re-

gen aro name janggi tangna manpagen. Bisa-
rang sakantian indake onga manode Jawa-
harlal antangni kamni biteko nike kusi ong-
na mangenchim, maina unode uni dalbatgipa
sikani aro miksongani chusokjok ine katcha-
na mangel.

JRIMBEGIPA DUK

1964 May 27 ni saljatchi badiangan bak-
san India aro agilsak gimikna jrimbegipa duk
sokbaaha. Ia dukara kadongsogija somoio gitik
gitak nabaaha. Knachengon uko pilakan be-
berana manja gita ongpilaha. Agilsakni indi-
ta kasaako, mande raako aro kapakako
mangipa Pandit Nehru siaha ine knana dil-
dil gokgok ongpilani ongachim.

Salgio aram simdapa gita agilsakni aro
anchingni asong Indiana ongaha. Oe, an-
chingna kasagipa Atchu Nehru, nengbegipa
agilsakni kamrangko dontonge, nengtakna re-
angaha. Iana skang adita salrangonin ua saa-
hachim. indiba saako mesokgija, kamkon don-
tongjaha. Uko nirokgipa doctorrang aro rip-
engrang, uni bilgriroroako, nike basakobade
Pandit Nehru bilonge sagan ine gisiktang-
tangtango kenchake dongengachim. Indiba
uamangni bengnirangna knachakgija, saako
chakchikari, asongni nengbegipa sko saani
kamrangko matchotna batesa rake kam kaa-
ha.

1964 ni January jao antisa ongpile Bhubaneswar asongo Congress Meeting ongmiting tiktako Pandit Nehru asongaoni chakatmiting-o jakasini jaa chimita gita dake gaakna amahachim, indiba uni gaakangengo demechik Srimati Indira Gandhi aro gipin rechapgipa ripeng saksasa uko maibakai rimrikna man-aiaha. Ianosa uai amjatelako, bilgriako parakchengaha. Asongdugaani gimin jachimitasa ine mitam chanchiaha, indiba Blood Pressure onga ine gipinrang aganaha. Changbegipa doctorrang uko namedake niaha aro saani aselko sandiaha. Kam kaaoni nengtakna nangchongmota ine pilakan molmolaha. Pilakan uni saana, ansenggijana aro bilgri-oroana jajrengbeaha. Draen nengtakatna mana gita Indiani damsa ansenggipa Hill Station Dehra Dun-ona salgitamna reangaha. Uano namedake nengtakchongmotna nanga aroarang baksaba agangrikna, ba mande-rangko grongna onjaha. Indake nentakachi uko ontisa bilakbate' rongchingbate nikaha ine sankapgipa dongchapgipa doctorrang agan-parakachim. Uni gimin 26 tarikni attamo umang Delhiona bilbapilaha. Delhiona sokbae walo walgimik tomtome tusiaha. Ua chakatbewal gita 27 salni pring 6:25 A.M. bajion chakate jasu miksuaha, unosa ua ranggitik sana abachengtaiaha. Pandit Nehru janggilsaakosa janapaiaha, aro sibokaha. Mingsinggipa Doctor sakgni Dr. K. L. Vig aro Dr. Bidiko okamataha. Doctorrang amadipet dakchakna joton kabeaha, indiba 11:30 A.M. bajiintal bilongbatroroaha, aro atam 2 bajio siaha.

Uni siangmitingo uni sambao duk man-
enggipa demechik Smti. Indira Gandhi, Home
Minister Shri. G.L. Nanda, Shri Lal Bahadur
Shastri, Finance Minister Shri T.T. Krishna-
machari aro Doctorrang dongachim.

Pandit Nehruni siani katako Delhioni
attamchibaraon Radioo aganparakataha. Pilak
manderang bebe rana ampilgija dildilgokgok
dakaiaha. India aro Agilsakni pilak biap-
ranganan rangsan kabor sokangaha, aro pil-
akan una kapake, ia dalbegipa gimaanina mik-
chi raknan manjaha. Indakgipa dalgipan nam-
gipa, kasaninggipa agilsakni maned raako
mangipa Indiani dalbatgipa mandeko ma-
mungchiba mantaijawaha. Duk ongrimpaani-
ko mesokna uni demechik Smt. Indira Gan-
dhina Agilsakni daldalgipa manderang see
uiattokaha.

BONKAMGIPA SAL

Prime Ministerni siani katako knae hajal-
ni hajal manderang dala, chona, mea mechik
bisarang mitamrang bakgitchakrangko rime,
uni manggisiko nirikpana apalo dre dre cha-
denge sengtokaha. Konta 17 ni gisepo lak 10
manderang ongachim. Manggisiko Indiani
Nisanchi pindape donachim. Mande sikpek-
pekani giminan sak 3 de gapretmane sipilaha
aro bangan saknaa mantokpilaha.

May 28 ni attam salniango, Pandit Nehruni manggisiko Rajghato soaha. Ia Rajghaton bilsio chidokna skang January 30, 1948 bilsio Mahatma Gandhikoba soahachim. Nehruni manggisiko nokoni attam chibara 1:30 P. M.—o rachakataha. Soram biapona kasinbeesa reangna nangaha. Banga gipin asongni manderang mingsinggipa dilgiparang Govenor, Chief Ministerrangba aeroplaneo bilbaaha. Britishni Prime Minister Sri Douglas Home, Englandni rani rebana manjani gimin uri segipa, Prince Phillip; Indiani bonchotgipa Govenor General Lord Mountbatten Americani Foreign Secretary Dean Rusk Sovietni First Deputy Premier Alexy Kosygin, Pakistanni Foreign Minister A.Z. Bhutto, Ceylonni Premier, Mrs. Bandarnayke, Nepal Council Ministers, Chairman Tulsi Giri, Japanni Foreign Minister, Yugoslavni President, Burmani General Ne Win aro indakgipa dalalgipa mingsinggipa manderang rangsan sokbatokaha. Pandit Nehruni nogipa sakgnian Smti. Vijaylakshmi Pandit aro Smti. Krishna Huthee Singhba Indira Gandhi baksa dongchapaiachim.

BONKAMGIPA SONGREANI

Mile dok chelako ghonta gittamsan reari attam bri bajiosa tarisogimin sochakram biapona sokangaha. Helicoptero bile golap bibalrangko satpripraaha. Banga Brahminrang aro manderang ganchini sambao donge “Raghu-

Raghubati Raghava" gitko ringengachim. So' na skang, Nehruni beenko rongtalgipa chichi satkikidapaha. Uni ripengrang bonchote golapni aro daosira pulrangni ripokrangko donate, Sandal woodni ambol bichemrangko aro silkni bara gipokrangko ganchio donataha. Rikgimin sochiakram ganchini sambaoon Nehruni sugipa Sanjay chadenge sengtimaha. Attamni 4:37 P.M.—o Sanjay ganchiko sodikaton wa'al chingchabaaha; hajalni hajal grappipa kalimgipa manderang "Chacha Nehru Zindabad" (Atchu Nehru tangbangchong) aro "Jawaharlal chingnin" ine chrik aboktokaaha. Begul sikkiparang sikatahaon pilakan chadenge uko salam karikaniko mesokaha. Bakan, wa'al chingchadoe Indiani Dalgipa Dilgipako kamchonataha. Wa'al chingchamitingoba, bibal ripokrangko godapdapatkuaha—Iano golmal ongjana gita Policerang name nitimaha, aro rake kam kaaha.

UNI TAPPRA

Pandit Nehruko somano uni tappra name kolame, medikrango chipe rakkihaa. Anchingni ambi atchu Achik songsarekrangba indaken dakaba. Pilakan Nehruna kasaani gimin uni tapprako ontiprakba manpana sikbeaha. Unigimin Indiani banga bakrangona ontiprakprak tika dipet sualattokaha. Anchingni Assamonaba ontisa sokbaaha. Unikon Assamni mitam baprangona ontiprak sualtirikatskaaha. N. E. F. A., N A G A L A N D, aro

MANIPUR naba ontiprak watataha. Juneni 8 tariko ua tapprarangko rongtala ine changipa chibimarango jekai Gauhatio Brahmaputra chibimao aro Allahabado Gangesni braram Sangam minggipa biapo sripataha. Nehruni namnika gitan mitam biaprango aeroplaneo bile mini abarango aro akawerango tapprako satpripraaha.

Shri. Nehruni manggisio donpachina uni namnikgipa gitchakgipa golap pulrangko bal 700 ko Dehra Dunoniko onatachim. Asong gipinoni rebapagipa daldalgipa manderangni, State Governmentrangni watatgipa aro Governorrangni donea pulni ripokrang hajal hajal ripokrang bangachim. Uko soanio jakkalna sandal woodni ambolrang mon chikungko chimongaha.

Bilsu chignina kingking salo changgnigni golap manchokako Nehruni coatni button akolo siktekna ontimgipa bariko nirok gipa Mali Hiralal ongachim. Uan saksa duk ongbatgipa kalimgipa ongachim. Uan walgimik Pandit Nehruni manggisiko dongtimpaaha.

Pandit Nehruni sianina duk onгани aro kalimani chin Jatni Nisanko sal chignina kingking pilak Govt. Officerangon adhaona saldoari donchina Sorkari uiataha. Ua salrang-o pilak kusi onгани ba katchaanirangko dak-jachinaba bengaha.

Indiani Prime Ministerni biapko.bang-bang ongatjana gita Nehruni siani ghonta

gni adhani jamanon Shri G.L. Nandako dikdiksana Prime Ministerni kamko rachina kumikchetaniko dakataha.

Gital Prime Minister Shastri.

Shri. Nehruko sawa jachongrikgen, sawa dao Indiani Prime Minister ongrikgen ine nenge chanchiani jamano krabatgipa mande Shri. Lal Bahadur Shastrian onggen ine nikaha, maina ukon pilak kamrangan Pandit

N e h r u jakbitrongaha. Rak-

gipa nenggipa kamrangko chanchianirango ukon okamrongachim aro uo kadongna manachim. Indiani Congress Party-ni seokaniko mane, ua June 9 tarikni 11:30 bajio Prime Ministerni kamko jako rae kumikchetaniko dakaha. Unjamano



antango dakchakna aro kam karimna, India asongni jringipa balko itchilpana banga gisik gnanggipa ripengrangko seokaha. Pandit Nehruni demechik Srimati Indra Gandhiba uni Cabineto dongpaachim.

Shri Shastrini janggi tangani gimin basakoba dingtang salo knabone Ta'ma. Iakosan gisik rabo, uade songoni bisa, kangal-begipa nokdangonisa onga. Songni schoolona remitingo chibimako batsotna uo paisa, dongpajae, antangni skoo lekka kitaprangko itchile chi jrobate poraigipasa ine gisik rabo. Indiba indake cholgri kangal ongoba, gisik nange poraiode ua jekai Indiani Prime Minister ongpihaha, uandake anchingba dalgipa mande ongpana manr. Unigimin Ta'ma, naa aro gipin bisarangba uni nama gunrangko gisik rae, bimchiye potaina aro, kamrangko kana nanga.

Mande siahaoba, namgipa mandeni bimung pangnaba sija, batesa uni kamrang jringjrotnan tanggen.


INDIRA GANDHI

Nehruni demechik saksakamkam donga ine naa gisik raenggenkon? Uni bimungko Srimati, Indira Gandhi minga. Chonmitingo uko nitoani gimin Priya Darshani ineba mingachim. Indira Gandhini bimungko dao agilsak gimikan uia. Uan Indiani Prime Minister ongenga. Uan India skanggipa mechik Prime Minister ongaha.

Indira 1917 ni, November 19 salo atchi-aha. Bisamtingo ua saksan onge, kalrimgipa ripeng dongpajae Eratcharakgipa bisa onga-

chim. Maa paa asongna kam kaanio, biap-
saoni biapsaona rejojona nangkamaiani gimin,
aroba pilnipil jailo donatako mane, Indirako
name tomtome lekka porajatna chol manjaha.
Unbaksaba uni chonengmitingon uni magipaba
siangahachim. Indioba maa paani kam gitan,
asongna kam kaani giminde uni gisiko dal-
chapaha.

Ua San-
tiniketano po
raie banga
gunrang-
ko skie rana
cholko man-
aha. Genava-
ni Internati-
onal School-
oba aro adita
jarangna Ox-
fordni Somer-
vile College-
oba ua po-
raiachim.
1934 bilsio ua
Matriculation
porikako pass
ka'aha. Pat-
oko dongmit-



ingo pagipa una namnambegipa kupatiani-
rangko chitio seatrongaha. Chiti kingsao in-
dine seachim. "Na'a mamungkoba donnue
daknabe; donnue dakani gisik kapongni kam-
sa onga; maina kenania namja, aro na'ade
kengipa ong'na kraja".

1942 bilsio ua antang baksa bisaonin ripeng onggiipa aro Londono porairimgipa Feroze Gandhiko bia kaaha. Uamangna depante sakgni Rajiv aro Sanjay atchiaha. Adatangde Italian metra Sonia minggipako bia kae, dao Indirana sugipa manpaaha.

1960 bilsio Indirani segipa Feroze Gandhi siaha. Segipani siani jamano, Indirani dalbatgipa kamara pagipako nirok sandiani ongachim. Maani pal Indira antangan nokdangko nirokani. pagipa aro depante sakniko simsakani, nokona rebagipa manderangko rimchaksoani ia pilakkon itchilna uni kamongaha. Una agreba, pagipa baksa songrepaetomanirango dongpana nangachim. Uan pagipani kadongbatgipa ripeng, saan dingan salo sangipa, aro nokko chalaigipa ongaha.

1964 bilsio, pagipani siani jamano, India sason kana Indiraan krabatsranggipa mande ine seokako manaha. Bilsio 700 badiango Razia Sultanni jamano daosa India mechik sason kagipa ongkattaijok. India aro uni manderang mairongpile kusi ongjok; agilsakni gipin jatrangba una kusi ongchakjok. Untalan daasalna kingking Indira India asong gimikni agilsak gimikni kasagimin dilgipa onge dongenga.

Indirani kadonge kam kaachi aro uni kasachakbeachi anching daalo Meghalaya Stateko nikpaaha. Ua Abrini manderangko dalroroatna aro skia manbatatna sikbea. Me-


ghalayako abachengatna 1970 ni April 2 salo ua Shillongona rebaachim. Bangala Deshni manderangni Indiaona, chongmotan Meghalayani Achik asongona katnapgipa Refugee-rangko nijolna ua Turaonaba 1971 ni June 12 salo helicoptero bilbaaha. Turao walsa tue salgipinosa ua bilangpilaha. Ua kengijan Border sambani Refugee Camp damgniko Machangpani aro Dimaparaonan obostarangko nina reangaha.

Apsan salon ua nengtakgijan, sengsoeng-gipa hajal chikungna batpila manderangko grongna Turani Chandmari Playgroun do tomaniona rebajoljolaha. Manderang uko mik-kangchakchak nikrikna aro uni kurangko knana namen katchaaha. Nasimangba bangan uko nikrikahakon? Oe, nikrikahaode uan nasimangni rasong aro gualna mangijani sal.

Uni rebaania anchingna kasachongmotani chin onga. Unigimin anching sakan tiba una kasaskana nanga. Uni namnika aro kupatia gita dakode ua kusi onngen; aro ruute anchingko sason kaanggen.

INDIRA GANDHI tangbangchong:
India Silrrochina'
MEGHALAYA namchina:
MEGHALAYA TANGBANGCHONG

Mrs. Heroine B. Sangma.
Tura, Garo Hills, Meghalaya.



Printed at the Thompson Press, Tura.
